

諭 旨 己酉十二月

十二月初一日內閣奉

上諭十二月初十日 德宗景皇帝神牌升祔 奉先殿

由 監國攝政王代詣行禮欽此

十二月初二日內閣奉

上諭 監國攝政王面奉 隆裕皇太后懿旨明年元旦

皇帝毋庸行禮停止筵宴在外公主福晉命婦亦毋庸

進內行禮欽此 同日奉

上諭禮部奏明年元旦禮節請旨遵行一摺著停止升殿

受賀欽此

十二月初四日內閣奉

上諭朕敬維 列祖 列宗至仁極聖臨民敷政無時不

廣開言路博採羣謀朕御極以來勤求治理於嘉言直

諫凡有益於國計民生者罔不虛衷采納見諸施行即

由該長官代奏者亦必詳加披覽酌核辦理惟近來建

諭 旨

言諸臣其直言敢諫披瀝忠忱者固不乏人而懷挾私見及毛舉細故不知大體者亦嘗有之否則毫無建白緘默偷安甚負朕殷殷求言本意自此申諭以後朝廷寬其既往嚴其將來其有言責諸臣暨代表奏抒誠進言者果能關懷時局為國為民條陳得當朕不但立准施行且加以獎敘倘敢如前不悛任意嘗試亦必予以懲處不貸用示廣納忠言勵精圖治之至意欽此 同日

奉

上諭正白旗滿洲都統固倫額駙公符珍持躬謹慎練達老成由散秩大臣補授副都統內大臣充御前侍衛升都統管理圓明園八旗官兵事務宣力有年克勤厥職茲聞溘逝軫惜殊深加恩著賞給陀羅經被派鎮國公溥信帶領侍衛十員即日前往奠醊照都統例賜卹任內一切處分悉予開復應得卹典該衙門察例具奏伊子記名二等侍衛三等侍衛松年陸軍部補用郎中松蒼頭品廕生松茂均著俟百日孝滿後由該旗帶領

庚戌

諭 旨

引見用示篤念蓋臣至意欽此 同日奉

旨世績著補授內大臣欽此 同日奉

旨正白旗滿洲都統著溥倫調補所遺正藍旗滿洲都統

著桂祥調補所遺府白旗漢軍都統著阿穆爾靈圭補

授欽此 同日奉

旨著派載振管理圓明園八旗包衣三旗官兵並烏槍營

事務欽此

十二月初五日內閣奉

上諭著齡奏因病懇請開缺一摺馬蘭鎮總兵兼總管內

務府大臣著齡著准其開缺欽此 同日奉

上諭馬蘭鎮總兵兼總管內務府大臣著蘇喚偕補授欽

此

十二月初六日內閣奉

上諭本年十二月二十八日告祭 太廟後殿派魁斌行

禮 中殿派訥勒赫行禮二十九日祭 太歲壇派訥

勒赫行禮兩廡派麒德瑞豐各分獻欽此 同日奉

二

正月

上諭陸軍部尚書鐵良奏懇請續假並請派員署缺一摺

鐵良著賞假一個月毋庸派員署理欽此 同日奉

上諭孫寶琦電奏山東署濮州知州蔣茲非刑斃命曹州

府知府王庶廷徇私溺職等語朝廷慎重民命停止刑

訊不啻三令五申凡為地方官者自當一體遵守乃署

濮州知州蔣茲於文童蕭春旺一案擅用非刑斃命實

屬殘酷妄為著即行革職歸案訊辦曹州府知府王庶

廷於屍親迭次控告置之不理著一併革職聽候查辦

以為玩視民命者戒該部知道欽此 同日奉

旨豐深著調補正藍旗滿洲副都統所遺正紅旗漢軍副

都統著霍倫泰補授欽此 同日奉

旨正紅旗護軍統領著誠全補授欽此 同日奉

旨正白旗護軍統領印倫著英信暫行佩帶欽此

十二月初七日內閣奉

上諭貝勒載潤之第一子著名溥佑欽此 同日奉

上諭梁敦彥等奏遵章核定游學專門各員開單呈覽一

摺擬列一等之詹天佑著賞給工科進士嚴復著賞給文科進士魏瀚李維格鄭清濂鄺榮光吳仰曾均著賞給工科進士辜湯生著賞給文科進士楊廉臣著賞給工科進士張康仁著賞給法科進士伍光建王劭廉均著賞給文科進士擬列二等之鄺佑昌李大受溫秉仁均著賞給工科舉人陳聯祥著賞給格致科舉人盧守孟劉冠雄江起鵬均著賞給工科舉人徐依議欽此

同日奉

上諭雲南昭通府知府員缺著石家銘補授欽此

十二月初八日內閣奉

上諭孫寶琦奏查明本年山東各屬秋禾被災情形懇恩蠲緩錢漕一摺本年山東青城等八十九州縣及收併衛所並各鹽場夏秋雨兩場失時沿黃沿運一帶大汛泛濫積水不消若將被淹村莊應徵錢漕照常徵收民力實有未逮加恩著照所請所有成災最重之青城縣屬各村莊應徵本年錢糧漕米漕倉等項全行蠲免

諭旨

其餘成災輕重不等之東平州等州縣應徵錢漕等項按照單開各村莊地畝分別蠲緩該撫即刊刻謄黃循行曉諭務使實惠均霑毋任吏胥舞弊用副朝廷軫念民艱之至意餘著照所議辦理該部知道單併發欽此

同日奉

上諭周樹模奏考察屬員賢否分別舉劾一摺黑龍江署呼蘭府知府留江補用直隸州知州黃維翰奏調補用知府王杜署大寶廳通判候補同知鍾毓旣據該撫臚陳政績著傳旨嘉獎湯源縣知縣劉虞卿才具平庸性情貪鄙於任內自領賧荒轉售漁利被控有案拜泉縣知縣王明傑懦弱無能羣小用事認民婦為義母出入衙署物議沸騰候選知縣朱建功管理軍械漫不經心捏寫帳簿浮冒侵蝕候選知縣熊恩溥查拿私煙詐贓受賄均著即行革職該部知道欽此 同日奉

上諭此次京察一等圈出之 東陵郎中麟祥明盛 西陵員外郎富基著各該管堂官再行出具切實考語交

三

庚戌

諭旨

內務府帶領引見其麟祥等五員均著准其二等加一級欽此

十二月初十日內閣奉

上諭 監國攝政王面奉 隆裕皇太后懿旨明年正月

初十日萬壽皇帝在宮內行禮王公百官毋庸行禮停

止筵宴在外之公主福晉命婦均毋庸進內行禮萬壽

正日王公百官均著補褂挂朝珠初六初八初九十二

十三十五等日均常服挂朝珠欽此 同日奉

上諭禮部奏萬壽聖節應否照案行禮一摺明年正月十

三日萬壽朕在宮內恭詣 隆裕皇太后前行禮王公

百官均毋庸行禮十三日王公百官均著常服挂朝珠

十六日十七日均常服不挂朝珠欽此

十二月十一日內閣奉

上諭禮部奏參讀祝官讀祝錯誤一摺昨日由 監國攝

政王代詣 奉先殿恭奉 德宗景皇帝神牌升祔大

典禮節隆重其執事各官宜如何謹慎將事乃讀祝官

四

正月

景明竟將 祝版內讀作恭代字樣其任意錯誤非尋

常疏忽可比景明著即行革職發往軍臺効力贖罪以

示懲儆欽此

十二月十二日內閣奉

上諭湖北按察使著沈潛補授茹泰著補授陝西陝安道

欽此 同日奉

上諭本日引見之明保官在任候補直隸州知州直隸邢

臺縣知縣岳齡著在任以知府補用欽此

十二月十三日內閣奉

上諭前經查明咸豐同治以來勘定髮捻回各匪文武大

員之子孫業已加恩錄用茲據續行查出各員自應一

體施恩前雲貴總督劉長佑之長孫截取安徽直隸州

知州劉繩武著以知府仍留原省補用曾孫知府銜儘

先選用同知劉鶴慶著以知府選用前巡撫一等男爵

劉銘傳之次孫候選道陸軍部郎中劉朝望著以道員

即選贈布政使道員王鑫之長孫花翎同知銜江蘇補

用知縣王禮垣著以直隸州知州仍留原省補用曾孫
王傳薪著以主事分部補用前綏遠城將軍福興之長
孫度支部郎中鐵保著以道員記名簡放前河南歸德
鎮總兵一等子爵李臣典之孫李榮芳著以主事分部
補用前浙江提督鄧紹良之長孫湖北候補通判鄧世
勳著以直隸州知州仍留原省即補曾孫鄧守清著以
主事分部補用都統銜前廣東副都統烏蘭泰之孫二
等輕車都尉普霖著以員外郎分部補用曾孫世昌著
以主事分部補用前署廣西提督甘肅肅州鎮總兵張
玉良之長孫應襲騎都尉張錫恩著以直隸州知州分
省即補前工部左侍郎呂賢基之嫡長曾孫承襲騎都
尉兼一雲騎尉湖北候補知府呂美瓌著以知府仍留
原省即補前漕運總督袁甲三之孫度支部郎中袁世
勳著以道員記名簡放前都察院副都御史江西巡撫
張芾之孫承襲騎都尉兼一雲騎尉張溘著以直隸州
知州分省補用前署貴州巡撫韓超之孫湖北候補主

諭 旨

簿選用知縣保升直隸州知州韓方朴著以知府遇缺
卽選布政使銜前福建督糧道趙景賢之次子開復前
廣西柳州府知府趙淦著以道員分省補用孫江蘇
試用通判趙之勳著以直隸州知州仍留原省補用前
雲南鶴麗鎮總兵朱洪章之子應襲騎都尉朱桂著以
主事分部補用孫朱家炯著以通判分省補用前直隸
提督郭松林之長子世襲一等輕車都尉兵部主事截
取河南直隸州知州郭人凱著以知府仍留原省即補
前廣東等省巡撫蔣益澧之孫優附生蔣祖耀著以主
事分部補用布政使銜前江南道員溫紹原之嫡長孫
溫祖蓮著以主事分部補用曾孫附生承襲騎都尉師
範學堂畢業生溫翔著以直隸州知州分省補用前署
安徽廬鳳穎道金光筭之嗣孫應襲騎都尉兼一雲騎
尉金志鵬著以直隸州知州遇缺卽選前護軍統領恆
齡之曾孫法部主事陸康著以員外郎仍留本部補用
元孫志海著以主事分部補用前新疆巡撫一等男爵

五

庚戌

諭旨

劉錦棠之子新疆候補直隸州知州劉國社著以知府仍留原省補用記名提督前廣西右江鎮總兵張樹珊之子襲騎都尉兼一雲騎尉浙江候補道張雲蓬著以道員記名簡放孫監生員外郎職銜張紹烈著以員外郎分部補用贈布政使銜升用知府前天津縣知縣鄧子澄之子候選直隸州州判謝觀瀾著以直隸州知州選用孫附貢生謝焜著以主事分部補用用示朝廷培植世臣激勵將士之至意欽此 同日奉

上諭昨日召見之承襲一等子爵廣西委用知府李長祿著仍以知府補用承襲一等男爵候選道度支部員外郎劉朝仰著以道員即選欽此

十二月十四日內閣奉

上諭明年正月初六日祭 祈穀壇遣懋林恭代行禮欽

此 同日奉

上諭明年正月初十日孟春時享 太廟遣載功恭代行

禮 後殿派懋林行禮兩廡派扎克丹延秀客分獻欽

六

正月

此

十二月十五日內閣奉

上諭貝勒載潤等奏考試宗室氣槍暨識滿漢文字開單呈覽一摺中氣槍五槍識滿漢字之錫啓保善溥佑齡秀均著賞給三等侍衛中氣槍五槍識漢字之印符裕瀛長續清鑑榮謙榮沛松順榮俊富森寶鑫玉崑常福均著賞給四等侍衛中氣槍四槍識漢字之松錕著賞給大緞一疋銀十兩中氣槍三槍識漢字之鐵超全斌樸清雙山連啓成崑升復海芳並識滿漢字之常年均著賞銀五兩欽此 同日奉

上諭前據御史江春霖奏參疆臣素相朋比肆為謾欺一摺當經諭令張人駿確查茲據查明覆奏江西巡撫馮汝駉謹飭和平所參煙癮甚重責缺徇私各節均無實迹可指至其用人間有未當已將各員分別參撤毋庸再議惟該撫於提回公費及委用丁憂人員沈銘照二事雖有文牘可稽或前任曾經派委與私行提取濫加

委任者有別但均未奏報難辭疎忽之咎馮汝驥著交部議處候補知縣何慧曾承辦供張任子私用浮開溢數查圖冒領迹近侵欺著即行革職餘著照所議辦理該部知道欽此

十二月十八日內閣奉

上諭馮汝驥奏特參文武不職各員請分別懲處一摺江西廣信府河口鎮同知鮑祖祥偏聽妄控擾累無辜泰和縣知縣陳善垣聲名甚劣難膺民社候補知縣張炳華辦理玉山稅卡縱容巡丁苛擾商賈試用知縣夏顯斌居心險詐專務鑽營試用知縣邱錫淵前代理德化縣辦事輕浮不諳政體試用知縣胡會昌前辦義甯州官銀分號司事舞弊故為徇縱武甯縣訓導熊舒長交結劣紳唆訟多事廣豐縣縣丞成富春習為巧詐玉山縣典史祝襄擅受民詞洋口司巡檢黃兆棠被控有據湖坊司巡檢曹國英縱庇地保署小池司巡檢劉炳南丁役用事吉水縣典史柏長青行為謬妄補用直隸州

諭 旨

知州朱上清前帶巡防營紀律廢弛缺曠亦多升用都司葛屏藩前帶巡防營不守正規營務敗壞南康營都司劉鴻章任性放蕩不守營規羊角營都司米生富縱兵擾民不知約束橫岡營都司林祖武收受賄規紀律懈弛豐城汛把總李仕燦民怨甚深新城汛把總涂英蘭任性妄為著一併革職試用知府楊德黎前辦贛州官銀分號迂懦無能耗損公款尚無營私肥己情事著以同知降補龍泉縣知縣陳瑞鼎書吏招搖不能約束著開缺另補試用知縣徐孝泰辦理樂平稅卡短收甚鉅著摘去頂戴勒限賠繳署瀘溪縣試用知縣朱兆麟署峽江縣試用知縣錢之燧財政報冊逾限均著交部議處餘著照所議辦理該部知道欽此

十二月十九日內閣奉

上諭輔國公溥葵奏請創辦籌助軍餉修理官房一摺前經降旨諭令建言諸臣不准懷挾私見及毛舉細故不知大體乃該輔國公所奏各節意圖攬捐徒滋紛擾且

諭 旨

八

正月

自稱聯合男爵志福等先籌集股並請頒發關防尤屬荒謬所請著不准行溥葵並交宗人府議處欽此 同日奉

日奉

上諭陝西布政使許涵度著開缺來京另候簡用欽此

同日奉

上諭恩壽奏特參庸劣不職各員一摺陝西米脂縣知縣

潘松不恤民隱強復舊捐署安定縣試用知縣涂宗濂

徇劣縱刁斂捐違衆均著即行革職綏德直隸州知州

張銘坤才識平庸難資表率著以府經歷丞降補洵陽

縣知縣盧秉均因循用事聽斷不明邵陽縣知縣李漢

源約束不嚴重聽誤事鎮安縣知縣李麟圖學務廢弛

難與更新紫陽縣知縣張饒年紀太輕才欠穩練均著

開缺留省察看甯羌州學正曹欽生嗜利忘義洋縣教

諭郝敬修年老氣衰鳳縣訓導米樹葵才具平庸保安

縣訓導高廷鏞聲名平常略陽縣訓導蔣善訓人欠安

詳略陽縣典史金松林取巧規避乾州吏目斯樹梅欺

飾營私延長縣典史馬朝觀操守難信試用巡檢蔣沃壑膽大妄爲試用從九徐福昌聲名惡劣均著即行革職餘著照所議辦理該部知道欽此 同日奉

上諭楊文鼎奏勘明湖北各屬被淹受旱輕重情形請分

別蠲緩新舊錢糧漕南銀米等項開單呈覽一摺湖北

本年入夏以來川襄二水迭次泛漲低窪田禾被淹秋

後襄水復漲堤埝多有潰決田禾復遭淹浸高阜之區

間受乾旱收成均形歉薄若將應徵錢糧漕米等項照

常徵收民力實有未逮加恩著照所請將被災之石首

等各廳州縣村莊應徵新賦錢糧漕米等項並原緩節

年銀米酌量輕重情形分別蠲緩以紓民力該護督卽

按照單開詳細數目刊刻謄黃徧行曉諭務使實惠均

霑毋任吏胥舞弊用副朝廷軫念民艱至意餘著照所

議辦理該部知道單二件併發欽此 同日奉

上諭馮汝駮奏查明江西被災各屬分別緩徵遞緩新舊

錢漕等項開單呈覽一摺江西南昌等府各屬本年入

夏以來雨水過多山谿暴發河湖並漲沿河禾苗多被淹浸又因晴霽日久天氣亢暘晚禾雜糧漸形黃萎收成均甚歉薄若將應徵新舊錢漕等項照常徵收民力實有未逮加恩著照所請所有勘實被災之新建等廳縣並九江府同知所轄之南九二衛均著將應徵新舊錢漕蘆課屯餘分別緩徵遞緩以紓民力該撫卽按照原單所開各廳縣村莊頃畝分數暨應緩銀兩米石各數刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道單併發欽此

十二月二十日內閣奉

上諭據都察院奏代遞直隸各省諮議局議員孫洪伊等呈請速開國會一摺披覽均悉具見愛國惻忱朝廷深爲嘉悅朕仰承先朝付託之重於預備立憲之要政當御極之初卽布告內外仍以宣統八年爲限業經明定國是上體求治未竟之聖懷下慰薄海維新之企望欽惟我孝欽獻皇后德宗景皇帝前降諭

諭 旨

旨實係斷自宸衷定以九年預備爲大清帝國君權立憲政體並諭曰大權統於朝廷庶政公諸輿論此天下臣民所共見共聞也今朝廷宵旰憂勞勤求上理已疊次申諭責成京外各該衙門切實依限次第辦理深冀議院早爲成立以固邦基惟我國幅員遼闊籌備既未完全國民智識程度又未畫一如一時遽開議院恐反致紛擾不安適足爲憲政前程之累非特朕無以慰先朝在天之靈試問爾請願代表諸人其何以對我四萬萬國民之衆乎朕開誠布公無所隱飾總之憲政必立議院必開所慎籌者緩急先後之序耳夫行遠者必求穩步圖大者不爭近功現在各省諮議局均已舉行明年資政院亦卽開辦所以爲議院基礎者具在於此但願我臣民各勤職務計日程功毋務虛名而墮實效茲特明白宣示俟將來九年預備業已完全國民教育普及屆時朕必毅然降旨定期召集議院庶於勵精圖治之中更寓慎重籌維之意將此通諭知之欽此

九

庚戌

諭 旨

同日奉

上諭憲政編查館奏核訂民政部修訂法律大臣會奏禁煙條例開單呈覽一摺禁除鴉片最為中國自強要政歷奉先朝諭旨飭令嚴行查禁並節頒定章程俾資遵守本年復重申諭責成京外各衙門認真辦理所為加以訓勉示以防制者不為不至現在各省奏報種植罌粟淨盡者已有多處人民戒除者亦逐漸加增亟應明定懲戒之法方足以清盜害而維久遠查閱所擬核訂禁煙條例於應行懲罰諸端尚為周備應即宣布京外一體實行所有未報種植禁絕各省分該督撫務須督飭地方官將禁種罌粟設法酌縮年限以圖及早廓清已報禁絕者尤當隨時查察如果毒卉復萌即屬違背定章自必按照條例施以懲戒其京師各衙門歷次奏定禁煙章程並各省奏請變通年限曾經允行者均應作為定章如有違背概照條例治罪京外大臣有統轄地方官吏之責者倘敢始勤終怠陽奉陰違亦

十

正月

必予以懲處總期痼疾漸次漸除民生日臻強盛實有厚望焉欽此 同日奉

上諭學部左侍郎嚴修奏請假修墓一摺學部左侍郎嚴修著賞假兩個月學部左侍郎著李家駒署理欽此 同日奉

上諭陝西布政使著余誠格補授欽此 同日奉

上諭陳夔龍奏直隸布政使崔永安呈請開缺送親回旗藉便省墓據情代奏一摺崔永安著准其開缺欽此 同日奉

上諭直隸布政使著凌福彭補授欽此 同日奉

上諭順天府府尹著王乃徵補授未到任以前著錢能訓署理欽此 同日奉

上諭直隸按察使著齊耀琳補授欽此 同日奉

上諭吏部奏遵議江西巡撫馮汝駱處分一摺馮汝駱應得降二級留任處分著不准抵銷安徽巡撫朱家寶查辦此案於馮汝駱應奏不奏一節漏未聲明殊屬不合

朱家寶著交部議處欽此

十二月二十一日內閣奉

上諭直隸天津道員缺著謝崇基補授欽此

十二月二十三日內閣奉

上諭丁寶銓奏查明陽曲等廳州縣被災地畝請分別豁免蠲緩停徵展停遞緩錢糧一摺本年山西省南北各

屬夏秋之交陰雨過多霜飛較早兼以冰雹為患成災

歉收暨水冲沙險未能墾復地畝若將應徵新舊糧賦

照常徵收民力實有未逮加恩著照所請所有陽曲等

八廳州縣應徵新舊錢糧著按照成災分數分別豁免

蠲緩停徵暫停遞緩以恤民艱該撫即將單開詳細數

目刊刻謄黃徧行曉諭務使實惠均霑毋任吏胥舞弊

用副朝廷軫念災區之至意餘著照所議辦理該部知

道單併發欽此 同日奉

上諭陳昭常奏吉林各屬民地暨內外城所屬旗地官莊

田禾被災歉收請分別蠲緩開單呈覽各一摺本年六

月吉林府等處霪雨滂沱山水暴發沿江上下民田旗

地多被淹沒若將應徵錢糧照常徵收民力實有未逮

加恩著照所請所有勘實被災之吉林等府屬暨省城

十旗水師營官莊處所屬各旗地均著將本年應徵民

地錢糧旗地租賦分別蠲緩以紓民力該撫即按照單

開詳細數目刊刻謄黃徧行曉諭務使實惠均霑毋任

吏胥舞弊用副朝廷軫念災區之至意該部知道單二

件併發欽此

十二月二十四日內閣奉

上諭本月二十日都察院代遞直隸各省諮議員孫洪伊

等呈請速開國會等因業經開布公誠剴切宣示當為

內外臣民所共悉乃昨據御史趙熙奏大臣苟要世譽

貽累君父請旨嚴懲一摺覽奏殊堪駭異朝廷籌備憲

政最為注意將來召集議院期在必行特循次圖功自

有秩序朕與軍機大臣等籌畫詳慎並經再三垂問詢

謀僉同機務既預贊襄即功過無所推諉該大臣等受

諭 旨

十一

庚 戌

諭旨

恩深重具有天良歸過朝廷之心朕可信其必無何得
撫拾浮言邊加詆毀所奏殊屬失當特此明白曉諭知
之欽此 同日奉

上諭吳重燾奏勘明河南被災各州縣請緩徵舊欠錢漕

一摺本年開封等府州所屬地方春夏以來雨澤稀少
秋後又陰雨連綿以致早晚秋禾收成歉薄若將新舊

錢漕同時並徵民力實有未逮加恩著照所請所有祥

符等四十一州縣民欠舊賦均予緩徵以紓民力該撫

卽按照單開各州縣村莊頃畝銀兩米石各數刊刻磨

黃徧行曉諭務使實惠均霑毋任吏胥舞弊用副朝廷

軫念民艱至意該部知道單併發欽此 同日奉

上諭左翼總兵著鶴春補授欽此 同日奉

旨福海著調補密雲副都統所遺鑲藍旗蒙古副都統著

壽慶補授欽此 同日奉

旨此次續行查辦武職廢員圈出之已革山東副將張永

洪等六員著陸軍部帶領引見欽此

十二

正月

十二月二十五日內閣奉

上諭吏部奏遵議處分一摺安徽巡撫朱家寶應得降一
級調用私罪處分著加恩改為降一級留任欽此 同
日奉

日奉

上諭甘肅甘涼道員缺著張毅補授欽此

十二月二十六日內閣奉

上諭廣東碣石鎮總兵員缺著吳祥達調補陸建章著補

授廣東高州鎮總兵欽此 同日奉

上諭趙爾巽奏舉劾屬員一摺四川署甯遠府知府陳廷

緒夔州府知府成昌署越雋廳同知劉思慈署邛州直

隸州知州路廣鍾署忠州直隸州知州鄧邦造卸署雷

波廳通判候補直隸州知州陳廉漢州知州樓黎然彭

山縣知縣調署簡州知州阮開銓署安縣知縣孫錫祺

西充縣知縣調署榮縣知縣李淇章署新津縣知縣祿

勳署灌縣知縣張溥署大竹縣知縣謝汝霖璧山縣知

縣哈銳岳池縣知縣周湘廉署萬縣知縣謝廷驥署蓬

溪縣知縣楊開運蒲江縣知縣調署大邑縣知縣胡用霖署冕甯縣冕山縣丞徐懷璋江北廳照磨張元璐署瀘州嘉明鎮巡檢何章縉資州羅泉井州判潘廷杓既據該督臚陳政績均著傳旨嘉獎卸署廣安州知州吳豐不矜細行因循貽害卸署大足縣知縣鄺國元割裂契尾無辭解免署南溪縣知縣劉應鎬昌言不辦蠶桑人亦庸瑣咸遠縣知縣德壽優柔玩忽幾釀大亂另補知縣梁鴻蕩不能治下試用知縣梅承祜借放漁利試用鹽大使呂研聲名齷齪准補瀘州嘉明鎮巡檢徐振鏞罔利營私署涪州鶴游坪州同本任冕山縣丞程杏書馭下不嚴致釀控案鄧井關縣丞陸維城怠惰自安大足縣典史楊煥文聲名素劣署阿所拉巡檢易繼祖藉案勒索璧山縣典史龍錫鉞性質粗戾所如不合試用典史洪震浮夸難任均著即行革職眉州學正溫翰葵遂甯縣典史李諒試用典史吳維鏞王龍章試用未入郡繼雍均屬戒煙不力著革職永不敘用忠州直隸

諭旨

州知州張增蔚性情迂緩精神不振崇慶州知州章國霖才識平庸難勝繁劇射洪縣知縣陶大垣事少斷決治理無聞三臺縣知縣黃應泰性懦民玩人地不宜南溪縣知縣韓光敬才識庸闕筠連縣知縣韓家駿拘迂縱弛定遠縣知縣蕭家駿性近因循均著開缺另補富順縣典史施德劍清溪縣泥頭典史陳思泉名山縣典史張鈺均年力衰邁著勒令休致該部知道欽此 同日奉

上諭錫良等奏查明奉省新民遼陽等屬旗民各項地畝被災分數懇恩蠲緩糧租一摺奉天新民等處本年夏間雷雨連綿各屬地方多受水患該省連年荒歉尚未復元茲復被災實堪軫念加恩著照所請所有新民遼陽等十七府廳州縣並各城旗界地畝著按照單開各村屯被災分數分別蠲緩如未經奏請以前業經花戶長完者准其流抵次年正賦其未被災之輯安縣秋成歉薄並著將此項地畝展緩起科以紓民力該督等即

諭旨

刊刻謄黃徧行曉諭務使實惠均霑母任吏胥舞弊用副朝廷軫念民艱至意餘著照所議辦理該部知道單併發欽此 同日奉

上諭直隸密雲副都統豐陞阿由行伍於咸豐年間投効軍營從征直隸安徽陝西河南等省曾著勞績賞給侍衛並識勇巴圖魯名號簡授副都統克勤厥茲聞溘逝軫惜殊深加恩著照副都統例賜卹任內一切處分悉予開復應得卹典該衙門查例具奏欽此 十二月二十七日內閣奉

上諭本日憲政編查館奏覆核府廳州縣地方自治章程並府廳州縣議事會議員選舉章程繕單呈覽一摺朕詳加披覽尙屬周妥府廳州縣各官爲國家親民之吏兼爲執行上級自治之職此次所定章程與城鎮鄉地方自治章程相輔而行即著民政部會同各督撫按照定章督飭各該地方官切實施行各該地方紳民於自治事宜休戚相關尤當恪守範圍共同協議務期官民

十四

正月

交勉治理日隆用副朝廷實行憲政樂利同民之至意餘著照所議辦理欽此 同日奉

上諭朱家寶奏查明安徽各屬秋禾歉收請分別緩徵錢糧一摺本年五河等三十九州縣被水被旱被風秋禾收成均形歉薄若將應徵民衛丁漕各款照常徵收民力實有未逮加恩著照所請將被災各州縣分別輕重緩徵以紓民力該撫卽刊刻謄黃徧行曉諭務使實惠均霑母任吏胥舞弊用副朝廷軫念民艱至意餘著照所議辦理該部知道單併發欽此 同日奉

上諭朱家寶奏查明各屬秋禾歉收請分別徵緩漕糧一摺本年安徽省各屬被水被旱被風田畝收成歉薄本日已經降旨將錢糧分別緩徵以示體恤若將應徵漕糧照常徵收民力仍有未逮加恩著照所請所有被災較重之五河通境新漕並泗州之舊虹鄉通境新舊漕糧同靈璧等三十二州縣應徵新漕及節年災緩舊欠漕米均著分別流抵緩徵以紓民力餘著照所議辦理

該撫卽一併刊刻謄黃並將各該州縣區圖村莊分晰
徵緩詳細刊明徧行曉諭務使實惠均霑毋任吏胥舞
弊用副朝廷軫念民艱至意該部知道欽此

十二月二十八日內閣奉

上諭本日憲政編查館奏核訂法院編制法並另擬法官
考試任用司法區域分割及初級暨地方審判廳管轄
案件各暫行章程繕單呈覽一摺朕詳加披閱均係參
考列邦之制度體察中國之情形斟酌釐定尙屬周妥
立憲政體必使司法行政各官權限分明責任乃無諉
卸亦不得互越範圍自此大頒布法院編制法後所有
司法之行政事務著法部認真督理審判事務著大理
院以下審判各衙門各按國家法律審理從前部院權
限未清之處卽著遵照此次奏定各節切實劃分其應
欽遵逐年籌備事宜清單籌辦各級審判廳並責成法
部會同各督撫督率提法司切實籌設應需司法經費
著該部會同度支部隨時妥籌規畫以期早日觀成至

諭旨

考用法官尤關重要該部堂官務須破除情面振刷精
神欽遵定章舉辦嗣後各審判衙門朝廷旣予以獨立
執法之權行政各官卽不准違法干涉該審判官吏等
遇有民刑訴訟案件尤當恪遵國法聽斷公平設或不
知檢束或犯有贓私各款一經覺察必當按律治罪以
示懲儆而維法紀其有關宗室案件著另訂細則辦法
奏明請旨餘著照所議辦理欽此 同日奉

上諭前據御史趙熙奏參部臣貪贓執法錯亂紀綱請飭
查辦當經諭令那桐葛寶華確查茲據查明覆奏原參
楊文鼎行賄部臣得贓及該部侍郎分付從輕比照致
有爭執各節或無從根究或係傳聞之誤卽著無庸置
議惟該部議處楊文鼎在服官省分置買田宅以該司
業已升任卽將解任一層置而不議並不聲明請旨辦
理實有未協吏部堂官及承辦此案司員著交都察院
照例議處至楊文鼎在服官省分置買田宅業經得有
處分著免其解任欽此 同日奉

諭旨

十六

正月

上諭前據御史江春霖奏參江西巡撫馮汝駉聲名狼籍安徽巡撫朱家寶朋比謾欺當經張人駿查明覆奏馮汝駉有應奏不奏事件朱家寶漏未聲明並將馮汝駉朱家寶分別予以應得處分業經明降諭旨朝廷賞功罰罪一乘至公遇有奏參之案凡關繫國計民生者刻即諭令查辦如果屬實無不加以懲處惟各省疆臣尤於平日官聲政績深加考核酌量輕重或有過之中寓策勵之意此中自有權衡斷不能以一人之咎牽及多人致滋紛擾政體所關亦向無此辦法該御史彈章迭上均已飭查核辦其中有參張人駿查覆延遲者該督隨即登奏又有參朱家寶賄託幕友關說者並未指明無從根究至始則謂朱家寶為馮汝駉謾欺繼則謂張人駿為朱家寶謾欺無非以兩次覆查不能如該御史所指有意深文挾持成見本屬非是朝廷優待言官不欲明白宣示茲該御史又以是非不明進退失據乞將前後疏章飭部平議斷斷不休並敕及母老妻故勞無

婢妾歸隱林泉感且不朽等語無非博一己嚮直之名貽朝廷拒諫之過人臣竭忠効誠自當舉其大者遠者剴切直陳如以一二處分牽連冒瀆翻以一去為得計撫衷自問何以自安乎本應予以處分姑從寬免江春霖著傳旨申飭欽此 同日奉

上諭廣東鹽運使丁乃揚著開缺送部帶領引見欽此 同日奉

上諭廣東鹽運使員缺著蔣式芬補授欽此 同日奉
上諭袁樹勛奏考查屬員分別舉劾一摺署廣東廣州府正任韶州府知府嚴家熾潮州府知府陳兆棠候補知府吳宗禹前署化州知州候補知州朱紱署東莞縣知縣試用知縣徐慶元長樂縣知縣調補新會縣知縣王景沂署鎮平縣知縣試用知縣張延慶既據該署督臚陳政績均著傳旨嘉獎候補道易鳳修聲名惡劣同僚不齒准補欽州直隸州知州番禺縣知縣周汝敦緝捕不力承審命案玩疲模糊德慶州知州章茂林才識昏

庸不孚衆望聲名貪鄙控案甚多前署東莞縣知縣補用知縣李祖湘驗案草率居心欺詐憲官所至民有怨聲順德縣知縣饒澤春審理命案諸多顛預勒繳花紅罔知政體前署英德縣知縣補用知縣劉培椿漠視切案久匿不報形同龔贖心地糊塗信宜縣知縣黃炳文擅釋匪犯任意捏飾居心險狡欺罔行私署開平縣知縣大挑知縣馮秉經祖吏殃民縱弁婪索被控有據怨讟繁興前署海康縣知縣補用知縣秦廣綬縱容差役苛擾病民漁利營私操守難信前署遂溪縣知縣試用通判范鼎得賄縱匪顛滋物議前任三水縣正任永安縣知縣洪錫嘯顛預因循玩視民瘼前署新甯縣知縣試用知縣倪祖培聲名卑劣輿論不孚試用知縣陸琦苛細病商怨聲載道藍口司巡檢王守正紳民交惡凌祿司巡檢試用從九劉近光行同市儈佛岡同知司獄朱錫輝擅離職守均著卽行革職李祖湘黃炳文馮秉經並著歸案查辦劉近光有縱米出洋情事著俟結案

諭旨

後遞回原籍交地方官管束候補道李光宇才識平庸操守難信升用道員前署番禺縣知縣劉慶鏞小有才能遇事取巧玩視命案延不詳報雷州府知府元瑞識闖才庸難資表率均著以同知降補嘉應州知州鄒增祜性情偏執聽斷糊塗潮陽縣知縣崔炳炎短於吏才辦事操切惟文理尙優均著以敎職歸部銓選增城縣知縣胡光鏞才具錫蹶人地未宜著開缺另補新甯縣知縣鍾萼廣甯縣知縣張鼎勸報災情俱有不實均著撤省察看又片奏現署水師右營遊擊請補香山協副將黃占元縱容子姪兇暴傷人龍門協副將李慶雲約兵不嚴操守難信准補平海營參將施光廷前署新會營參將任內查辦鬪案縱弁妄爲現署潮州鎮中軍遊擊准補新會營參將劉輝南聲名惡劣心地糊塗水師營儘先游擊吳祥光前在碣石右營都司任內遇事取巧緝捕不力現署廣州協右營都司達濠營守備高厚慈聽任匪線妄拿良民管帶水師親軍右營千總淦雲

交 旨

欽廉混曠餉有心欺飾署開平縣城守把總李鈞藉案勒詐婪取多贓敢新營哨官六品軍功鄧思成隨同辦案任勇搶掠均著卽行革職高厚慈心尤狠毒並著永不敘用不准投赴各營効力記名提督總兵吳貴年實任崖州協副將王世明督標儘先副將劉先科海安營守備王本華久已離省查無下落均著勒令休致餘著照所請辦理該部知道欽此

十二月二十九日內閣奉

上諭前據翰林院侍讀榮光奏山東陽穀縣境內委員杜秉寅等妄指民田作為官荒等語當經諭令孫寶琦確查茲據查明覆奏墾務局委員候補道杜秉寅院幕杜賢書典史章錫元均查無劣跡著免其置議准補卽墾縣榜棧島巡檢武恪忠前在陽穀縣委辦墾務貪鄙妄為不知自愛著卽革職代理陽穀縣知縣候補通判吳繼高於李萬吉劉永月二案濫押無辜得賊有據請予革職又據片奏該員納賄營私不可枚舉僅予革職不

十八

正月

足蔽辜著革職發往軍臺効力贖罪以為貪墨不職者戒仍勒令交出門丁張貴潘鈞高姓等三人研訊詐贓分別定擬該縣劣幕羊讖行止卑污著查明驅逐回籍東阿墾務委員候補府經歷周書城收受賄賂匿地不報又復假公濟私扶同欺隱著一併革職該部知道欽此

交 旨

十二月初一日軍機大臣欽奉

諭旨翰林院侍讀榮光奏已修鐵路請速籌添設護路巡警一摺著郵傳部知道欽此

十二月初三日軍機大臣欽奉

諭旨郵傳部會奏議覆陝西巡撫奏籌辦延長油礦修築運路暫行緩辦一摺提倡商業為當務之急著該撫體察情形廣籌行銷一俟出油較旺卽行議修運路以興實業而濬利源欽此 同日奉

諭旨順天府奏查明知州被參各款暨整頓順屬警務情形一摺著依議欽此

十二月初四日軍機大臣欽奉

諭旨理藩部奏查明使用偽文案內人證供詞閃爍請飭

交大理院訊辦一摺著依議欽此

十二月初五日軍機大臣欽奉

諭旨御史趙熙奏學部奏擬檢定小學教員章程妨礙教

育一摺著會議政務處議奏欽此

十二月初六日軍機大臣欽奉

諭旨明年元旦梁格莊 行宮 德宗景皇帝几筵前致

祭著該衙門按照滿月禮敬謹豫備併派值班王大臣

恭代行禮 陵寢大臣官員等一體齊集欽此 同日

奉

諭旨會議政務處奏議覆東三省總督錫良等奏長白府

治內增設安圖撫松兩縣員缺一摺著依議欽此 同

日奉

交旨

諭旨欽天監奏現署滿右監副常海服滿請旨一摺常海

著補授欽天監右監副欽此

十二月初七日軍機大臣欽奉

諭旨稅務處會奏議覆郵傳部奏吉長張綏兩路購運機

器材料免稅三年提案照准一摺著依議欽此 同日

奉

諭旨本日引見州縣事實列入最優等在任候補知府陝

西商州直隸州知州胡啟虞著仍以知府在任儘先即

補欽此 同日奉

諭旨本日陸軍部引見未到之軍政逾歲官二等侍衛明

瑞著陸軍部照例辦理欽此 同日奉

諭旨本日引見之已革奉天候補知府陶鏞著以同知用

降補縣丞前河南候補同知張慰祖著以通判用欽此

同日奉

諭旨本日引見之已革總管若麟著以翼長用已革翼長

春林著以防禦用欽此

十九

庚戌

交 旨

十二月初八日軍機大臣欽奉

諭旨都察院代奏法部郎中陸觀麟條陳各部院調用外

官留補京職應補交實銀呈一件著該部議奏欽此

十二月十一日軍機大臣欽奉

諭旨貝勒毓朗等奏陳明學堂考試情形並預定開學日

期分科辦法一摺知道了欽此 同日奉

諭旨明保官直隸邢臺縣知縣岳齡著吏部帶領引見欽

此

十二月十二日軍機大臣欽奉

諭旨內務府奏恭辦要差需用款項請由部庫籌撥一摺

著核實數目再行具奏欽此 同日奉

諭旨會議政務處奏遵議繼祿代奏太醫院院使張仲元

等呈請變通官階請欽定施行一摺太醫院院使著定

為四品餘依議欽此 同日奉

諭旨法部奏交審要案憑證不全請飭迅速查明以便歸

併審辦一摺著依議欽此

二 十

十二月十三日軍機大臣欽奉

諭旨內務府奏遵保承辦差務各員繕單呈覽各摺片所

保人數較多著另核請獎欽此 同日奉

諭旨郵傳部奏陳明輪船招商局歷年官督商辦情形並

擬查帳辦法一摺又奏廣東粵漢鐵路已派員前往澈

查歸併前案辦理一片知道了欽此 同日奉

諭旨郵傳部奏推廣修理電線並整頓大概情形一摺知

道了欽此 同日奉

諭旨郵傳部奏另核保獎繕單呈覽一摺著依議又奏前

考察政治大臣奏保選用知府唐元湛保案重複請改

獎俟得知府後以道員用一片著吏部議奏欽此

十二月十五日軍機大臣欽奉

諭旨會議政務處奏議覆督辦川滇邊務大臣趙爾豐奏

德格土司納還全境請改土歸流一摺著依議欽此

十二月十六日軍機大臣欽奉

諭旨劉廷琛奏假期屆滿病仍未痊懇請開缺一摺大學

正 月

堂總監督劉廷琛著賞假一個月毋庸開缺欽此

十二月十七日軍機大臣欽奉

諭旨慶親王奕劻面奏職任繁重難以兼顧懇請開去管理陸軍貴胄學堂之差等語著如所請俾稍節勞以示優眷著派貝勒載潤會同陸軍部管理陸軍貴胄學堂事務欽此 同日奉

諭旨變通旗制處會奏遵議歸化城副都統三多奏變通旗制應多立手工學校專設勸業銀行一摺又奏議覆東三省總督錫良奏奉省旗官出缺不補逐漸變通一

片又奏議覆內閣侍讀學士延昌奏請設變通旗制處諮議官一片均著依議欽此 同日奉

諭旨農工商部奏遵擬勸業富籤公債票試辦章程開單呈覽一摺著即緩辦欽此 同日奉

諭旨農工商部奏遵章預籌次年農工商政實行辦法一摺又奏憲政編查館原單所開應行酌核更定各節已量為變通亟為籌辦一片均著憲政編查館知道欽此

交 旨

同日奉

諭旨郵傳部奏擬訂船路電郵四政專律並開辦大概情形一摺著依議又奏核覆黑龍江鐵路交涉局報銷一片知道了欽此 同日奉

諭旨郵傳部奏遵章預陳次年籌備實情一摺著憲政編查館知道欽此 同日奉

諭旨給事中張世培奏稅關經徵木課積弊太深請旨飭下度支部專派監督核實徵收一摺著度支部議奏欽此 同日奉

諭旨給事中張世培奏新出小學教科書善本甚少請飭學部嚴行釐訂並慎編模範善本一摺著學部知道欽此

十二月十八日軍機大臣欽奉

諭旨御史蕭丙炎奏各省徵收丁漕未能持平辦理請通飭嚴加整頓一摺著度支部議奏欽此
十二月十九日軍機大臣欽奉

二十一

庚戌

交 旨

二十二

正月

諭旨度支部奏議覆孫寶琦奏山東布政使朱其煊報効稅契銀兩一片朱其煊著交部議敘欽此

十二月二十日軍機大臣欽奉

諭旨憲政編查館奏請飭京外各衙門設立憲政籌備處并將十月十三日上諭恭書懸挂一摺又奏議覆增韞奏留在籍編修陳敬第等續辦地方自治免扣資俸一摺均著依議欽此 同日奉

諭旨都察院奏赴院呈訴被參冤抑人員現據各省查覆並無冤抑請照例交部議處一摺著依議欽此 同日奉

諭旨都察院奏代遞署學部右參議柯劭恣等東省鹽務違章私銷亟宜整理呈一件著該衙門議奏欽此 同日奉

諭旨都察院奏代遞大清銀行副監督黎大鈞等鄂境粵漢川漢鐵路籌有的款請准予商辦呈一件著郵傳部知道欽此 同日奉

諭旨都察院奏代遞總檢察廳廳丞王世琪等請開復已故湖南巡撫陳寶箴原官呈一件陳寶箴著加恩開復原官又據翰林院編修史寶安為原任浙江布政使沈兆溥請入祀河南名宦祠呈一件著禮部議奏又據翰林院檢討區大原等請加恩褒卹已故廣東巡撫馬丕瑤呈一件著毋庸議欽此

十二月二十一日軍機大臣欽奉

諭旨憲政編查館奏彙案會議禁革買賣人口舊習酌擬辦法繕單呈覽一摺著依議欽此

十二月二十二日軍機大臣欽奉

諭旨民政部奏第一次統計謹繕製表冊清單呈覽一摺著憲政編查館知道表單併發欽此 同日奉

諭旨侍讀學士延昌奏大清銀行關係財政亟宜嚴密稽查俾資整理而免公累一摺著度支部知道欽此 同日奉

諭旨侍讀學士延昌奏請將本年閉歇商號所欠票存之

款照商律分別追償等語著該衙門知道欽此

十二月二十三日軍機大臣欽奉

諭旨唐景崇奏查勘要工分別緩急請派員督飭修理一摺著派林紹年敬謹承修又奏查驗回乾各樹及補栽

賠栽成活分數均與原報相符一片知道了欽此 同日奉

日奉

諭旨修訂法律大臣會同法部具奏修正刑律草案告成

繕單呈覽一摺著憲政編查館查覈覆奏欽此

十二月二十四日軍機大臣欽奉

諭旨憲政編查館奏核定京師地方自治章程暨選舉章程繕單呈覽一摺又奏核議沈家本等奏編定現行刑

律告竣繕冊呈覽一摺又奏請飭修訂法律大臣考核

中外制度另訂現行律一編進呈一片又奏議覆吳士

鑑奏請申明議案權限一摺又奏議覆各省司法行政

官吏宜慎擇人一片又奏議覆各省議員限制兼差一

片均著依議欽此 同日奉

交旨

諭旨御史陳善同奏鹽務現經歸部直接管理謹擬辦法

請飭核議一摺又奏整頓鹽務請先由淮北試辦一片

均著該衙門知道又奏監禁人犯請飭分別查辦一片

法部知道欽此

十二月二十五日軍機大臣欽奉

諭旨會議政務處奏續議太醫院遞升官階一摺著依議

欽此 同日奉

諭旨資政院奏籌設速記學堂擬定章程繕單呈覽一摺

著依議又奏現擬修築資政院工程情形一片知道了

欽此 同日奉

諭旨陸軍部奏第一次統計完竣酌擬接次辦法一摺著

該衙門知道餘依議欽此 同日奉

諭旨步軍統領衙門奏酌保恭備要差出力人員繕單呈

覽各摺片總兵王文煥著交部議敘餘依議欽此 同

日奉

諭旨理藩部代表喀喇沁扎薩克輔國公銜頭等塔布囊

二十三

庚戌

內閣驗放單
吏部引見單

幹嚕扎布因入貴胄法政學堂呈請在京當差等語著准其在京當差欽此

十二月二十八日軍機大臣欽奉

諭旨學部奏酌擬曲阜學堂辦法并請派員充當監督一摺應需經費著度支部核議具奏餘依議欽此 同日奉

諭旨學部奏遵章陳明年籌備事宜一摺著憲政編查館知道欽此 同日奉

諭旨學部奏增訂學堂管理通則繕單呈覽一摺著依議欽此

十二月二十九日軍機大臣欽奉

諭旨憲政編查館奏續訂統計表式並附解說繕單請旨頒行一摺著依議又奏派員充統計局副科員等差一片又奏派員充編制局副科員等差一片均知道了欽此 同日奉

諭旨民政部奏遵擬次年籌備事項實行辦法先期陳明

二十四

正月

一摺著憲政編查館知道欽此 同日奉

諭旨廣東京官梁敦彥等奏粵商包鹽加餉流弊滋多請飭詳細覈議一摺著該衙門歸併前案妥議具奏欽此

內閣驗放單
吏部引見單

十二月初七日奉

旨廕生薄絨著以七品筆帖式用延堃著以侍衛用錫輝著以文職用武林著內用振樸著以文職用協理遼瀋道滿監察御史員缺著松廷補授內閣滿洲侍讀員缺著崇俊補授內閣漢軍典籍員缺著文鍾補授截取知府大理院推事胡濬著以簡缺知府用吳尙廉著以簡缺知府用月選 東陵工部員外郎裕恩 醇賢親王園寢主事啓紋擬補吏部稽勳司員外郎盛昆俱著准其補授分發山東補用道徐煥芝山西補用道成麟孫宗麟湖北試用道志元徐之棨四川試用道唐汝聲吉林補用知府林長植江蘇補用知府黃仁壽山東補用

知府方麟湖北補用知府夏敬輯廣西試用知府劉永海俱著照例發往卓異陝西漢中府知府恩開湖北漢陽府知府琦璋俱著准其卓異加一級仍註冊回任候升欽此又軍機處交出本日帶領引 見之審案平反並明保官直隸大名府知府現署保定府知府錫齡阿奉

旨著以道員交軍機處存記欽此

十二月初十日經內閣奏 派王大臣驗放分發浙江試用同知史光華直隸補用直隸州知州毓麒廣東試用直隸州知州魏允濟雲南試用直隸州知州李新展直隸補用通判黃萃熙直隸試用通判紹武王繹和山東試用通判徐家琪浙江試用通判黃德壽陳鴻文湖南試用通判張仕鑿甘肅試用通判杜庭琨湖北試用直隸州州同周斯依福建試用直隸州州同容啓蕃直隸補用知縣夏辛銘王桂壽安徽補用知縣朱永錫山東補用知縣耿煥章劉文炳山西補用知縣徐昭儉河

內閣驗放
吏部引見單

南補用知縣徐佐堇甘肅補用知縣李宗鄴陝西補用知縣施毅王祖禹江西補用知縣葉桐湖北補用知縣吳文炳吳良棟吉林試用知縣秦春田直隸試用知縣許家修帥培岳盧觀渭汪懷瑜耿善勛江蘇試用知縣宗慶煦陳培泰河南試用知縣吳翰鹿學湘冬樹柏彭得藩張春榮王世新陝西試用知縣王植存甘肅試用知縣陳欽銘任德備浙江試用知縣王貫王敬培福建試用知縣賀作霖姜應詔江西試用知縣袁勵修胡豐澤廣東試用知縣周成章黃瀛徐仁貴廣西試用知縣孟昭涵四川試用知縣崇善郭毓葵徐昭益張昭芹貴州試用知縣周汝桐浙江試用布庫大使蘇光湖兩淮試用鹽運庫大使劉元鳳兩廣試用鹽運庫大使劉士端長蘆試用鹽大使張欽典河東試用鹽大使梁亦鴻兩浙試用鹽大使范宗岷福建試用鹽大使劉東湖兩廣試用鹽大使薛鴻禮福建試用鹽道庫大使曹逸仙均堪以照例發往保送直隸州知州民政部主事鄭咸

內閣驗放單
吏部引見單

堪以交部記名以直隸州知州用截取內閣中書趙錄
績保舉山東候補知縣樊祖燮王寶生均堪以照例用
貴州開缺另補知縣方正堪以仍回原省照例用卓異
直隸邢臺縣知縣岳齡堪以准其卓異加一級仍註冊
回任候升揀選一等揀選舉人陳廷鏢堪以知縣用開
復前湖南試用通判李蔚文堪以准其開復原官仍發
原省照例用奏留吏部學習員外郎錢壽琛主事何振
清司務查忠輔均堪以准其留部十一日覆奏奉
旨依議欽此

十二月十二日奉

旨詹生崇瀚著以侍衛用崇方著以侍衛用文元著以旗
員用任先恩著外用內閣滿洲侍讀學士員缺著崇鎧
補授掌山西道滿監察御史員缺著文善補授山西綏
遠城理事同知員缺著恒健補授 京察一等度支部
郎申文綬著准其一等加一級保送知府農工商部員
外郎松樞著以繁缺知府用月選 起居注筆帖式常

志擬補吏部驗封司員外郎楊敬遠稽勳司主事榮海
俱著准其補授欽此

二十六

正月